



Deddf Seilwaith (Cymru) 2024

2024 dsc 3

RHAN 1

PROSIECTAU SEILWAITH ARWYDDOCAOL

Gwastraff

15 Cyfleusterau gwastraff peryglus

- (1) Mae adeiladu cyfleuster gwastraff peryglus yn brosiect seilwaith arwyddocaol—
- os yw'r cyfleuster yng Nghymru neu yn ardal forol Cymru,
 - os prif ddiben y cyfleuster yw gwaredu gwastraff peryglus yn derfynol neu ei adfer, ac
 - os disgwylir i'r cyfleuster fod â'r capasiti a bennir yn is-adran (2).
- (2) Y capasiti yw—
- yn achos gwaredu gwastraff peryglus drwy dirlenwi neu mewn cyfleuster storio dwfn, mwy na 100,000 o dunelli y flwyddyn;
 - mewn unrhyw achos arall, mwy na 30,000 o dunelli y flwyddyn.
- (3) Mae addasu cyfleuster gwastraff peryglus yn brosiect seilwaith arwyddocaol—
- os yw'r cyfleuster yng Nghymru neu yn ardal forol Cymru,
 - os prif ddiben y cyfleuster yw gwaredu gwastraff peryglus yn derfynol neu ei adfer, ac
 - os disgwylir i'r addasiad gynyddu capasiti'r cyfleuster—
 - yn achos gwaredu gwastraff peryglus drwy dirlenwi neu mewn cyfleuster storio dwfn, fwy na 100,000 o dunelli y flwyddyn;
 - mewn unrhyw achos arall, fwy na 30,000 o dunelli y flwyddyn.
- (4) Yn yr adran hon, ystyr "cyfleuster storio dwfn" yw cyfleuster ar gyfer storio gwastraff o dan y ddaear mewn ceudod daearegol dwfn.

Statws This is the original version (as it was originally enacted). Dim ond ar
ei ffurf wreiddiol y mae'r eitem hon o ddeddfwriaeth ar gael ar hyn o bryd.

- (5) Mae i “adfer”, “gwaredu” a “gwastraff peryglus” yr un ystyron ag a roddir i “recovery”, “disposal” a “hazardous waste” yn Rheoliadau Gwastraff Peryglus (Cymru a Lloegr) 2005 ([O.S. 2005/894](#)) (fel y’u diwygir o bryd i’w gilydd).